

# Merkatu bakarrean dauden oztopoak aztergai Cambridgen

Esportazioen arazoei aurre egin nahi diete Bruselako agintariak



Eskuinean, Javier Arenas Espainiako Lan ministroa, enpleguari buruzko Luxenburgoko goi bileran.

ATTILA SEREN / EPA

**S**ei urte bete dira Europako Batasuneko herrien arteko muga komertzialak desegin zituztenetik, eta merkatu bakarra indarrean jarri zenetik. Hala ere, Europako barne merkatu bakarrak ez du behar bezala funtzionatzen, eta esportatzaileek trabak topatzen dituzte oraindik ere, batik bat grebak edo produktu jakin batzuen aurkako boikotak tartean direnean.

Efe Cambridge

EUROPAKO BATASUNEKO Barne Merkatuetako komisarioek bilera egin zuten atzo Ingalaterrako Cambridg hirian barne merkatuan esportatzaileek maiz izan ohi dituzten trabak aztertu,

eta, bide batez, traba horiek konpontzeko proposamenak hitzartzeko. Joan den urtean Frantzia garraiolariak egin zuten grebaren ostean, eta Espainiako frutaz eta barazkiz betetako kamioien aurka egindako erasoen ondorioz, Europako merkatuzien mugimendu librean traba handiak izaten dituela ikusi zuten Bruselako agintariak, eta horiek konpontzeko atzo Cambridgen bilera egin zuten Eurpalp Matasuneko Barne Merkatuetako komisarioek.

Espainiako Gobernuak egindako proposamen bati jarraiki, Europako Batzordeak «esku hartzeko mekanismo arinak» proposatu ditu. Estatuek Bruselari esku hartzeko baimena eman diezaioten nahi du Espainiako Gobernuak. Bruselari isunak jartzeko eskumena ere eman nahi dio Espainiak. Horrenbestez, «kaltetuek auzitara jotzeko aukera izango lukete eta eragin dizkieten gaitzen ordaina jasoko

lukete berehala. Gure proposamena ez da taxuzko konponbide bat, baina merkatu librea bermatzeko lain bada».

## Montiren plana

EUROPAKO BATASUNEKO barne merkatuan dauden oztopoak gainditzeko proposamenak plan batean bildu ditu Mario Monti Barne Merkatuko komisarioak. Montiren planaren xedea 1999. urtea baino lehen, hau da, euroa indarrean jarri baino lehen, merkatu bakarrak dituen gabeziak konpontzea da, hutsune horiek enpresen lehiakortasuna galarazten dutelako eta hazkunde ekonomikoa mugatzen dutelako, betiere Montik atzo Cambridgen esandakoaren arabera.

1993. urtean mugak ofizialki desagertu zirenetik, horren ondorioz 900.000 enplegu berri sortu dira Europako batasunean. Horrezaz gainera, barne mugak desagertaraztean BPGk %1,5 egin du gora. Hala eta guztiz ere, barne merkaturak ez du behar bezain librea Europako Batasuneko estatuen artean, «araudiak zailak eta konplexuegiak dira, kostu administratibo eta burokratikoak handiegiak dira eta Bruselak onartzen dituen arauak ez dira estatuetan aplikatzen». Horren guztiaren ondorioz, esportatzaileek desabantaila handiak izan ohi dituzte Europako merkatuan barna lan egiteko.

Hiru dira funtsean Mario Monti komisarioak atzeman dituen oztopoak: Europa osoko normalizazioa egitea, estatuetako arau teknikoak ezagutzea eta aplikatzea eta lehiaketa publikoak itxita egotea. X

## laburrean

### ■ Proyectos Integrados Energeticos taldea eratu dute Iberdrolak eta Repsolek

ENERGIA proiektuak aztertu eta aurrera ateratzeko, Iberdrola eta Repsol konpainiek Proyectos Integrados Energeticos taldea eratu dute. Lau mila milioi pezetako kapital soziala du talde berriak, eta diru hori erdi bana jarri dute Repsolek eta Iberdrolak. Gasa energi iturburu gisa erabilita, generazio eta kogenerazio proiektuak aurrera ateratzeko izango da, besteak beste, Proyectos Integrados Energeticosen helburua. Horrezaz gainera, gas erosketak elkarrekin egin asmo dute Repsolek eta Iberdrolak. Eraldaketa prozesuetatik ateratako argindarraren salmentan eta banaketan ere elkarrekin ariko dira. Datozen bost urteetan, hirurehun mila milioi pezetako inbertsioak egingo dituzte Repsolek eta Iberdrolak. X

### ■ Fischlerri emango dioten erantzuna erabakitzeko bihar bilera egingo dute Ardoaren Mahaiko kideek

ARDOA ekoizti eta merkaturatzeko araudi berria aurki aurkeztuko du Franz Fischler Europako Batasuneko Nekazaritza komisarioak, eta proposamen horri emango dioten erantzuna aztertu eta hitzartzeko bihera egingo dute bihar Ardoaren Mahaiko kideek. Ardoaren Mahaian nekazariak, ardogileak, kooperatibak, sindikatuak eta patronalak biltzen dira. Guztien artean, Fischlerri ohartarazi nahi diote araudiak Espainiako eta Hego Euskal Herriko mahastien jabeen interesak gorde beharko dituela, Espainia baita Europako mahasti gehien duen estatua. Ez dirudi, ordea, Fischlerren asmoa hori denik, Jose Cruz Perez Lapazaranez, Nafarroako Nekazaritza sailburu ohi eta Espainiako Kongresuko Nekazaritza batzordeko kideak, esan duenez. X

### ■ Espainiako iazko aurrekontuetan diru sarrerak espero baino %13 handiagoak izan ziren

ESPAINIAKO iazko aurrekontuetan diru sarrerak espero baino handiagoak izan dira, hazkunde ekonomikoak eraginda. Aurreikusitakoa baino %13 handiagoak izan dira Estatuaren diru sarrerak. Izan ere, urte hasieran ekonomiak %3 egingo zuela gora aurreikusi zuten agintariak, baina azkenean ekonomia hori baino hiru hamarren gehiago hazi zen. Zergetan jasotako dirua %12,5 gehitu zen, eta ondasunek eragindako diru sarrerak %38 egin zuten gora. X



**BBK**  
Bilbao Bizkaia Kutxa



**CENTRO INDUSTRIAL Y MERCANTIL DE VIZCAYA**  
BIZKAIKO INDUSTRI ETA MERKATARITZA GUNEAK

## ENPRESETAKO TREBAKUNTZA ETA PRAKTIKETARAKO BBK-CIMV BEKAK

Bizkaiko Industri eta Merkataritza Guneak eta Bilbao Bizkaia Kutxak tituludunentzako 120 beka argiratuak dituzte. Beka hauek Eusko Jaurlaritzako Justizi, Ekonomi, Lan eta Gizarte Segurantzza Sailaren Lanbide Trebakuntzarako Egitamuan kokatuta daude. Horrez gain, Bizkaiko Foru Aldundiko Lan eta Ekonomi Sustapen Sailaren laguntza dute.

### ONURADUNAK:

- Goi-Mailako Tituludunak, Ertainak eta LH-II.ekoak.
- Bizkaian bizi izatea.
- 30 urtetik gorakoa ez izatea.
- Tituludun diren arloan aldez aurretik lan-harremanik izan ez duten pertsonen emango zaie lehentasuna.
- Bilbao Bizkaia Kutxako bezeroak.

### BEKEN EDUKIA ETA IRAUPENA:

10 hilabete: 1998ko apirilaren 1etik 1999ko urtarrilaren 31ra bitartean. Enpresetako praktikak gehienez 30 orduko iraupena izango dute astero. Praktika hauek 4 egunetan banatuko dira, eta bosgarren egunean BIMGak antolatutako trebakuntzarako ikastaroa burutuko da.

### ESKAERAK:

Horretarako ezarritako inprimaketan beteko dira eskaerak. Hemen bildu ahal izango dira:

**Bizkaiko Industri eta Merkataritza Gunea.** Gran Via, 50. BILBO  
**Bilbao Bizkaia Kutxa.** Kultur Aretoa. Elcano, 20. BILBO

Argibide gehiago nahi izanez gero, Interneten duzue eskuragarri, honako web helbide hauetan:

<http://www.bbk.es>  
<http://cimv.ibermatica.com/cimv>

### ESKAERAK JASOTZEKO AZKEN EGUNA:

1998ko otsailak 27

### ARGIBIDEAK:

Tel.: 94-441.77.03  
Faxa: 94-442.23.73  
E-mail: [becas@cimv.es](mailto:becas@cimv.es)